




何陋山房選定藝文珠璣類編

古乃此後學伯棠甫



○題名類姓字附

集百十五則

摘粹十二段

全文十九篇

監察題名記

巡撫題名記

郡守題名記

推官題名記

二首

州守題名記

縣令題名記

三首

經歷題名記

縣尉題名記

公署題名記

科第題名記

靖節先生謚說

仲兄文甫字說

名二子說

江仲龍字說

字朱晦菴祝詞

賀劉福先加號序

○科貢類

集古五十二則

摘粹十段

全文十五篇

○史道附

集古二十則

摘粹十段

○賢選附

集古摘粹共九則

人才序

人才論

儒林傳

禮樂生記畧

進士題名記

科貢題名記 三首

史道論

二首 別開仕進之門疏

巡司平寇碑記

賀府贊序

贈州吏目序

贈驛宰序

○武備類

集古二則 摘粹十三段

全文十四篇

武備議

閱武堂記

整暇堂記

修清軍廳公署記

射圃記

三首 校射篇 有序

安懷奇畧序

籌兵藥言序

二首

與柳中丞書

二首

與李平章諭

○忠烈類

集古一則

摘粹十六段

全文十五篇

忠烈記

表忠實錄

附八名宦祭文

忠烈祠記

節義傳

劉君禦寇碑

祭比干廟文

楊忠愍文集序

忠愍文集跋

與楊補亭書

楊忠愍妻叔夫疏

孔璋叔李邕表

李邕辭官表

李邕妻為夫謝罪表

上王邢襄啓

○孝行類

孝義附

集古五則

摘粹三十一段

全文

孝婦廟記

汪孝子傳

○寺廟類

集石九則

摘粹九段

全文七十三篇

重脩大聖院記

重脩寧定寺記

衆善寺記

清涼寺記

賢壽寺記

龍泉寺記

封崇寺記

景明寺記

汎愛寺記

圓通寺記

普照寺記

重脩藏經閣記

脩閣募緣引

天寧閣記

大悲閣記

觀音閣記

觀音大士頌序

洛伽山志序

善果庵記

新建佛像記

長春觀記

靈佑觀記

老君堂記

東嶽廟記

五首

東嶽廟募緣疏

泰山行宮記

二首 真武廟記

四首

三官廟記

二首

關帝廟記

四首 城隍廟記

十首

勅封城隍制誥

三皇廟記

火神廟記

三首

倉頡廟記

二首

扁鵲廟記

二首 增福神廟記

財神廟記

土地祠記

廣源廟記

龍神廟記

八蜡廟記

淮陰侯廟記

明靈王廟記

三靈侯廟記

聖姑廟記 附詩

復活死栢記

脩寺募緣疏

二首

○ 禪語類

集古一百六十八則 摘粹二十五段

全文五十篇

參禪談

金剛經諸跋

二十首

三歸五戒儀範序

真心直說序

二首

六祖壇經序

召木陳禪師詔

封弘覺禪師詔

御札弘覺禪師

書東輝禪師冊

曇花記序

△玄真附

集古三十則

摘粹三段

蒲團上語序

詔附

指玄篇序

山公箋

斷肉編序

△三教合附

選粹二段

三教論

論佛道

諸經題目畧指序

○ 技藝類

集古六則

摘粹十八段

全文三十五篇

琴譜序

二首

相國寺聽琴序

送楊真序

奕泉

鴈宕圖跋

書摹本蘭亭

書王新建墨蹟

跋米太僕十七帖

書趙子昂道德經

書米南宮墨蹟

跋王覺斯帖

梁武帝書評

黃山谷論書

書法序

題筆陣圖

畫譜序

二首

寶繪堂記

感應篇圖說

圖緯說

古硯銘

壽人福世序

賀醫士序

陰陽醫學記

萬病回春序 四首

胞與堂丸散引 四首

女科百問序 二首

○稱賀類

摘粹五段 全文十九篇

人物附

摘粹三十四段

職官附 服制集古四則

摘粹十五段 職官制誥二十二條

文武品級考序

文武章服序 宦列傳序

書錦堂記

三槐堂銘 送李材叔知柳州序

贈黎安二生序

贈馮西野按察序 贈陳邑侯承恩序

送王明府入覲序

送都御史移鎮陝西序 賀陞遊擊序

賀陞都閫序

賀贈司訓序 賀陞兵馬司序

賀二尹轉陞序

賀友人生子序

賀友人生孫序

賀遊泮序

二首 賀入國學序

○祝壽類

集古五十六則 摘粹十二段

全文十七篇

祝王州守序

祝白制臺序

祝周太守序

祝張刑尊序

祝孫徵君序

孫太公榮壽詩序

方公夫人雙壽序

張懷南九十序

壽梁母張夫人序

壽張母劉夫人序

壽沈母李孺人序

壽王母周孺人序

壽張母八十序

壽史母序

壽童母序

壽王母謝太君序

壽王母成太君序

壽縉紳序

○封廕類

集古二十四則 摘粹三十二段

全文六篇

詰敕四十三條

恩命序

恩命論

二首

齊壽榮封序

賀加封父母恩榮序

威寧伯鐵券文

○休致類

集古二十五則

摘粹九段

全文十三篇

乞致仕表

四首

陳情表

歸去來辭

乞歸疏

辭職歸葬疏

相州上執政書

送楊少尹序

秋風思歸序

李聰辭官表

歸老橋記

李邕辭官表

文載忠烈內

○隱逸類

集古五十三則

摘粹三十八段

全文十篇

隱者說

隱逸傳

江湖散人傳

五斗先生傳

五柳先生傳

送薛處士序

送石處士序

送李愿歸盤谷序

送王秀才序

亦陶集序

筆洞山人對客

告休自述序 二首

○女貞類

集古二則

摘粹八段

全文十九篇

賢淑論

列女傳序

奇女子傳序

贈沈母序

頌節錄序

節烈祠記

趙貞女祠記

雙烈祠記

完節詒祥序

節孝冊後序

楊孺人貞節傳 附贊并詩

何氏貞節文

挽周烈婦王氏

吊何氏夫亡自縊

姜氏貞烈傳

周氏貞烈傳

陳氏貞烈傳

節婦歌

貞淑咏

○帝王歷年記云人皇之後有四姓五姓七姓十二姓紀則姓之始疑起於此而帝王世紀至太昊始曰庖犧氏風姓也易類是謀曰黃帝吹律定姓疑姓自太昊始而黃帝定姓者因生賜姓之始也陸法言引風俗傳云張王李趙為黃帝賜姓

○春秋左氏傳曰天子因生以賜姓胙之土而命之氏蓋命氏之原尚矣天皇而降皆稱氏雖盤古之初亦曰氏也 正義云氏上音切音是姓氏猶家也釋例曰別而稱之曰氏合而言之曰族

○筆談曰世人以氏族相高雖從古有之然未著盛自魏氏詮摠人物以氏族亦不專任門地惟遐方外國則全以為貴賤如天生以刹利婆羅門為貴種自餘為庶姓是也國主大臣各有種姓苟非貴種國人莫肯歸之庶姓雖有勞能亦自甘居大姓之下後魏據中原此俗遂盛於中國

唐末方衰息也

帝王世紀曰神農母名女登春秋鉤命決曰任似感龍生帝魁注云魁失帝名左傳曰太皞以龍紀官故為龍師而龍名又太皞之母名華胥則名疑始於伏羲氏之前

曲禮郊特牲曰男子二十冠而字女子許嫁笄而字冠而字之敬其名也冠而字成人之道也字所以貴名帝王世紀曰少皞帝名皞字青陽則自金天氏始為字也

史記注云天子賜姓命氏諸侯命族族者氏之別名也姓者所以統系百世使不相別也氏者所以別子孫之所自出故世本之篇言姓則在上言氏則在下又通志云三代之前姓氏分而為二男子

稱氏婦人稱姓氏所以別貴賤故貴者有氏賤者有名無氏姓所以別婚姻故有同姓異姓

庶姓之別。三代之後。姓氏合而為一。於文。女生為姓。故姓之賜多從女。姬姜嬴以姚女為姓。云周

始如女之類是也大抵姓可呼為氏。氏不可呼為姓。
媯音吉規音吉女音云周音云始音云景音云姁音云琴音云濇音云

唐張說曰古未有姓如夷狄然自炎帝之姜黃帝之姬始因所生之地而賜之姓又朱子語錄曰如

舜生於鳩汭。武王遂賜陳胡公滿為鳩姓。此即所謂因生以賜姓也。

○潛夫論：凡氏之興九事。賜氏以國。齊魯宋衛也。賜氏以謚。戴武宣穆也。賜氏以號。唐虞夏商也。賜氏以官。若司寇司馬。賜氏以爵。若王孫公孫。賜氏以字。若孟孫叔孫。賜氏以居。若東門西門。三馬五鹿。以忠賜也。巫氏丘陶。以事賜也。

○筆談曰：以名為氏者。如陳伯表之後為袁氏。齊公子高之後為高氏。衛公子惠孫之後為孫氏。宋公子樂父之後為樂氏。宋司寇中父之後為牛氏。魯閔子騫之後為騫氏。是也。

○左傳：隱公八年無駭卒。羽父請謚與族。公問族於衆仲。衆仲對曰：「天子建德。因生以賜姓。昨之土而命之氏。諸侯以字為謚。因以為族。官有世功。則有官族。邑亦如之。」公命以字為展氏。朱子語錄曰：以字為謚。竊恐謚本氏字。如鄭之國民。本予國之後。駟氏本予駟之後。如此之類。所謂以字為氏。因以為族也。

○以封為氏者如文王封子時叔於沈其後為沈氏太公望本姓姜氏封于呂故曰呂尚武王封泰伯魯孫於閭其後為閭氏晉穆侯封少子成師於韓其後為韓氏晉獻公封畢萬於魏其後為魏氏宋公子段食於褚其後為褚氏宋太公食於蕭其後為蕭氏楚貢皇食於苗其後為苗氏晉叔何食於楊其後為楊氏杞之後食於婁故為婁氏越之後食於歐山之陽故為歐陽氏也○以官為氏者春秋時祭仲初為祭封人守封疆者後以為氏漢孝文時居官者長子孫遂以官為氏若倉氏庫氏則倉庫吏之後也

○同姓 舜紀五帝三王自黃帝至舜禹皆同姓而異其國號以章明德故黃帝為有熊顓頊為高陽帝嚳為高辛帝堯為陶唐帝舜為有虞禹為夏后而姓姁氏桀為商而姓子氏稷為周而姓姬氏又宋呂東萊曰孟仲季臧同出于魯也潞國封印公父伯張同出於鄭也向

華蕩樂鱗魚仲老同出于宋也樂高崔國叔仲東郭同出于齊也

○異姓

左傳隱公十二年滕侯薛侯來朝爭長公使羽父請於薛侯曰周之宗盟異姓為後滕姬姓文王之後薛任姓仲虺之後

○姓氏志

粵在古昔因生賜姓昨土命氏姓以別婚姻氏以辨貴賤姓可為氏氏不可為姓而秦漢

以來混淆無紀於是公戶母監靡鏡其世方雷彤魚莫定其甥况乎號訛為郭奚訛為稽

馬服轉馬千秋轉車京房推律而姓京陸羽筮易而姓陸踈去足而存束橋去木而留喬紛

紛藉藉千枝萬派誰得而究詰者乎予謂姓緣德顯氏從人著故願陸王謝六代重光

韋杜崔盧九重屈節要皆其家行誼才望冠冕一時固不必盡神明之曹閼閱之喬纁

足奇也明初吳沈氏奉旨撰千家姓得姓一千九百六十有八視李唐且多千有奇視趙宋

且多一千六百有奇而此邑如木如橘則仍不載予謂高皇帝之神聖吳沈氏之博雅寧至

挂漏政以車書一統幅輳萬里其委巷窳戶或非輶軒使者之所能搜採也予為邑紳姓氏

志比得姓二百四十有二非祇以誇著衍亦欲令境內人士稍知保世亢宗之術貴家大族莫

甘降為皂隸薄祚衰宗或思高其門閭云耳

章丘縣志

禮記曰幼名冠字死諡周道也

○禮記曰子生三月而名既冠而字名者所以正身體定心意字者所以崇仁義叙長幼又曰君子已孤不更名已孤暴貴不為父作諡注云不作諡者嫌以已尊加於父也

○公羊傳曰氏不若名名不若字字不若子太平御覽云公羊傳謂名不如字者非謂其人之名不如其字尊乃謂為人所字則近乎見尊為人所名則近乎見卑也名成乎禮字依乎名名者字之本字者名之末也為本故尊為末故卑婦人無名故賤於丈夫野人無名故賤於學士

彭大翼曰自有姓氏以來而名亦未嘗不立所以示有別也

○士大夫之有坊何坊何居表厥姓名為久遠計也名必待坊而後傳恐亦與時俱盡耳蓋都王沂公之坊毀久矣然迄今婦人孺子無不知之則士大夫處世要自有獨重者在

益都志

○坊之立也何居曰將以垂不朽也夫古人論三不朽太上立德其次立功其次立言德業文章彪炳宇

宙輝映史冊如日星之麗於天江河之行於地果待坊以表之耶否耶又有幽人潛士川居岩處韻
光剡彩等揖讓於三杯薄征誅於一局外名而名赴焉若務光嚴陵輩豈以無坊湮沒耶
至於貞烈婦女視死如歸知從亡人於地下而已青山不老綠水長存即栢舟自矢特以愧買
臣去婦卓王孫寡女耳心不要名而身後之名已垂不朽彼為人婦而懷三心者豈願有身後
之名哉

魏縣志

樹之風聲彰之物彰典如楫楫至鉅矣其間垂名永永者固多較近世亦有閱歷未幾而漸滅
無聞者名實之間槩可睹已吾特表而出之願今之君子用為不朽之圖也

廣平縣志

百里宣風寄茲民社爰立儒訓明厥彞倫故官師自表表者自流芳竹帛儻備員充位則汶
汶無聞而已按籍而求之曰某也良某也無良千載如一日也可不畏歟

春秋說題辭曰號者功之表謚者行之迹據德錄功名當其實所以追勸成德使尚務節也

尊名 禮記曰先王謚以尊名節以一惠耻名之濫於行也注云惠善也濫過也節以一善言取

其一善以為謚號愧名之不稱實也

茂實豐功

孫毓云大名必加茂實美號必附豐功言文獻皇后之謚非虛以加之也

名不偏諱

曲禮云二名不偏諱夫子之母名徵在言在不稱徵言徵不稱在

子名臣名

父前子名君前臣名注云對君父至尊無大小皆稱名也

謚法

文獻通考曰周公曰太公望相嗣王發建功牧野及終將葬乃制謚法謚

者行之迹號者功之表車服者位之章也是以大行受大名細行受小名行出於己名生於

人壹民無為曰神揚善賦簡曰聖靖民則法曰皇德象天地曰帝仁義歸性曰王志

及衆曰公執應八方曰侯平正不阿曰君威儀悉備曰欽諧訴不行曰明經緯天地曰文克定

禍亂曰武刑民克服曰成令民安樂曰康安民大慮曰定共二百零八個字義茲不錄出通考

京師為我明嚮離御極之地。郡邑星布。綦列聯絡。畿輔內轄八郡。而真定順天隆慶。置三巡察。若督學。巡關。巡鹽。印馬。職守各有差視。外藩加詳焉。皆所以固圉。慎防守。崇內治。措斯人於寧輯者也。惟臺史表儀朝宇。言天子公卿百執事得失。輔德陳紀。出而省俗。覩風糾邪。舉正革蠹。識微賞善。誅惡以受法令。贊治者也。以一身作耳目。臣中外崇卑。凜然有所憚。不敢肆其是非。果協天下之公。天下人亦得以公是非之無所僭焉。職顧不重興。侍御胡君西涯諱汝輔者。奉勅巡察畿甸。以恒山巡臺舊未有題名。欲伐石。問予紀之以識同志。廼叙次姓字里籍。自孝廟初年至于今。得杜居以下若干人。予覽之。所得知者。或以鄉國前進。

或以聞見所逮餘不可得而盡知也乃作而言曰士之生也能使當時後世
之學者一覩而知其傑然偉人必有休光盛美昭于雲漢鴻功駿烈垂
于史冊然後為足以信今傳後也不然時遠易湮風微易熄即托之貞珉
亦漫然弗可傳也於戲士之未遇虞不有其時也今大道寰海為家
遘會陳庸以廉視疆宇所當夙夜自靖以樹實流聞無忝厥服乃
若志近者自殖而棘才疎者蒞事而岐守眩者睹物而遷情頗者責
下而苛見阻者怙勢而張有一于斯非蓋臣也皆名之蠹也得興世汨沒
幸矣甚者當書之重為天下誡也不亦冷乎可懼哉夫道德勲業之
基德業隆則社稷生靈所為隸也王道興頌聲可作苟薄實而詭名
注象之一錄自為陽美欲人允孚也不已難乎墻墉崇而基淺勿

可長也。考書曰：公其惟時。以匡建無窮之基，亦有無窮之聞。茲者人所為得名也。胡君初為東安令，以賢調商河，擢御史臺巡內帑，巡遼陽。今巡恒山，志節才守，為時推重。斯聲實之最章者也。茲石之刻，可見已。

摘都御史李瓚立巡撫題名碑記末段

京畿巡撫肇自麻城鄒公，以通政叅議擢食都御史，提督軍務總理糧儲。巡撫順天府府紫荆關馬寺關通前凡二十二人，若聲偉績昭在人耳目。顧余何人而亦踵於後耶？用是以勝任為懼，且愧不能遐想興思。竊欲取而師法之，庶勉乎其任而已矣。夫三人行必有我師，況於諸公平師其所可師，不師其所不可師，此固余志也。不知後之君子以余言為

然否因以記之。

撫院考

明朝初制歲遣監察御史巡按一方其或大災重患乃遣廷臣視事謂之巡撫然事竣則止無定員也宣德間以關中江南地大而要始命官更代而巡撫不復罷去正統末南方盜起北塞警發於是內省邊陲編置巡撫官矣巡撫之責任至重勝其任者亦難本之公廉濟之通變而恩威行手其間則事亦易集而官吏軍民因不畏懷是故能勝其任者之為難也

按巡撫乃欵差在外之官也雖在外然初任則帶都察院右僉都御史職銜或加右副都職銜故謂之撫院若加至兵部尚書或兵部侍郎職銜則謂之巡撫部院然與在京堂上官同列故又謂之京堂官其院銜只加右不加左副左僉

真定乃禹貢冀州之域也。自周以歷漢唐。置州置郡。軍起於宋。始為真定府。元改真定路。國朝復為府。表裏山河。經緯井邑。以夾輔乎京師。厥制弘矣。官自知府而下。有同知。通判。推官。而知府非才望之賢。則弗輕畀之。然百七十餘年以來。姓氏沉埋。無所於載。闕如也。聞人宋子且。初拜臺察才望。日起嘉靖乙未之春。來為知府。廉愛明決。克建治行。乃於其政之暇。輯錄先為知府者。凡得二十九人。同知三十人。通判五十七人。推官十八人。皆起自宣德中。以前莫之可考也。於是乎確石載之。不容于無記。而以質於予。今夫石之揭也。其為名歟。實歟。名者姓氏。是已。實者治行。是已。名之彰晦。若無所興於重輕。實之存亡。斯勸懲之攸繫也。而

可忽乎。府北盡恒山南薄營州領州五縣二十七而其間匹夫匹婦疾痛
饑寒罔不於府而矚焉。邇焉乞長活焉不啻嬰兒之怙恃乎。父母
也。且當交衡大陸而輪蹄之迹晝夜以馳。徵車籍馬追呼夫丁百姓樂
樂無所息肩。又能不切。然父母之懷乎。况他為府者皆轄于布政司
而府則直隸乎。爾是故布天子之化以被于百姓達閭閻之情以聞於
闕廷。孰非知府之責也哉。夫以是數者而叢委于知府之一身苟蒞若職
者果忠信之長歟。庶夫牧良有司牧庶民熙于于而得其所一或寄之匪
人吾恐其病然病矣。是不可不慎歟。自有斯石則諸姓莫不昭然。雖三尺
之童咸得以手指之。庶若汙良若暴興忠信興節詐作偽焉洞若觀
火。不欺不惑不慝不匿。豈不覺好惡之所由分也。美刺之所由定也。親

愚之所作也是故鑒于水者見其好醜之容鑒于石者知其痛否之行
子其懼乎然則宋子之意豈但為姓氏而已耶

國史之法宰相百官因事得書而善惡以著其在外群工鮮與也郡守親民之官其利害於民為甚功史顧不書抑何以示勸懲于將來故郡有志郡之史也志或不備又別為題名即因名責實一責目而善惡昭為噫可畏哉故題名非以表著也春秋遺意也

招遠縣題名記

摘

公朝

招遠知縣

惟我招遠為縣不知其凡閱幾世厥事而治之不知其凡涉幾人矣即耳目之所逮者其人可敬也乃其歲月稍久遠姓名僅有存者溯而上之則杳乎其不可得聞矣遂使上為者無由考鏡其得失以裨益吏治下為者無由上下其議論以裨益文獻詎非曠世之缺典耶君子曰知者當務之為急此所謂當務非耶

登州府志職官論

自秦罷侯置守而牧民之職歷代各有不同年載緬邈姓氏關湮僅据其見於
史書者錄之自洪武以後乃可得其詳而具譜焉抑郡之閱人多而人之傳
於郡者則寥寥也為良有司者可不思所以自樹哉

府推官之設其來久矣。我高皇帝令推官專司理獄通署刑名文字。不預餘事。所以官守慎憲度也。今天下之制府而上有撫巡藩臬。其下有州縣撫巡務持紀綱。藩臬尊官不屑親細碎。州縣吏勢或有不得行。於是事牽繫于府。府所理錢穀甲兵刑名簿書期會之屬。各有司然。要以稽虛實糾虔怠詰奸蠹。則一統于刑守。又有不得專者。為而推官者。顧夙夜於其間。不已難乎。夫譸張為幻。抵譴置辭。目眊色伺。機陷繩引。獄情叵測。能入之質。確其過難矣。是故聰明彊勢者。則見以為大察。而下胥慙溫良湛靜者。則見以為遠于事。而上不之予。如此者。難具微覈。無驗者。惻然欲識之矣。後懷嫌而中刻如此者。難法所適重者。

上論輕法所適輕者上論重其又甚言先入者主焉從則又忍于心不從悞
重得罪如此者難時習姑息偶一人循法比少縱舍則立異好名煩若
傷恩之論興如此者難蓋讀書至甫刑而嘆曰五過反內貨責在已也
吾知免夫官與東責在人也吾何敢與知如此者難若此不避衆讟不
撓尊長不急名譽用情訊之而歸于法乃庶幾焉而非俗吏之所能
為也登州負大海俗豪悍慢戾好訟自古記之自予來此既幸其地僻無四方
賓客之擾去京師幾二千里朝士省記之所不及物產鮮水陸珍異歲無盜
賊之警得免於官謗而其人亦安予即稍無事則與學士大夫遊訪和之志
以亡軼對問者嘗官于茲者而遺老多不能記憶矣噫君子樹績當時或

邪之俗。刺文于石。而諸君氏名履歷以次列。不知者闕焉。後之君子。因其言。改其行事得失。簡鏡之林。或在茲矣。

登州推官廳壁記

潘

滋

婺源人舉人
嘉靖年任

登州府推官無廳。即廨之前。營而聽政焉。其壁為木格方寸。紙糊之。始瑩白可尚。往。旁兩濕之。輒破。海風至。竅聒聒鳴。見者相詬謂。陋。予曰。此於聽獄為宜。獄之興。皆徇俠恣行無忌。周身之奉。至于屋壁。無不踰制。方以自雄。稍不如是。則耻焉。一日入府。見大天子之命吏署。如此其樸也。竊利好夸之習。得無少沮乎。小民訟獄。使如賁育童子。其勢易以嚇也。州縣吏繫

捕而來靡。伏庭下。問之張口不能對。吾且示以簡易。若是其吁嗟之情。
得無少舒乎。此舒彼沮。是故鉤距不設。奸隱可摘。予雖至愚。詎是以平。
嚮之所詒謂陋者得無相悟乎。兩者相之以濡枯也。風者相之以相湮也。白者
相之以照幽也。昔者石公聽南國之訟于棠樹之下。天下之相分陝之寵
寄臺峻臺。羽衛夾卷。冠劍林侍。非泰也。慮遠于民弗為也。古聖人
之意存焉矣。是故沮俠也。舒懦也。相恩也。尚樸也。法聖也。君子行此五德。
志於壁以遺登人。

朔故嚴邑也。郡之自魏晉始。嗣後建置不一。然率為刺史鎮將所領。我明興設守治之。隸晉雲舊誌草具。而題名蓋闕如焉。井陘許侯蒞任之再逾歲。民用政舉。思撫散逸以成厥志。因徵選仕官石。若存若滅。歎曰。夫此物此志也。業無據者而安所藉為思省地。縱覆之文牘。旁及諸父老耳目所睹記。已什未詳五六。矧日遠日忘。而鄉者惟一石之態。若是愛又何執事之不聞乎。遂采而勒之。屬余為記。余謂世有三不朽。而名不與焉。然名斯不朽。則司左契者。詎能廢。是不然。列國之史。一彼一此。何膏之有。乃麟經以一字嚴衮鉞。而書爵書名之凜凜者。良有以也。朔于海內誠彈丸。顧幅輳所履。是亦周室之侯甸。二百餘年于茲。即無三具官而忠信愛利。形于下者。比之非乏。奈何不一昭揭之。夫山川郵頓之區。信

涉者猶累名巔櫨。况一州之主督勤施積歲月。至名湮沒而不復稱。曾傳舍者之不如。亦奚庸主督為哉。且名以賓實。即不為賓。而名之不存。實將焉攷。其不相為偶托。而信宿者幾希矣。况身不挾名以俱往。要後之視今。亦由今之視昔。而前君子彪炳之業。寧非後君子勸懲之顴也。欽。余惟侯之是舉。叙察吏以備顧思。亦以已實長民。而不使于我焉。是息俾嗣臨者。得時寓目焉。將惕於名之難副。員之自省。而更稽今昔登耗盈詘之故。知愚賢不肖之由。不忍輕用其民。而惟職之奉也。侯曰。爾。吾非近名者。詎其以臨長自顯庸。特以人為鑒。取僭附于書爵書名之例。忠告于來哲耳。如具袞鉞。以俟君子。

嘗聞古萊之俗。果于報怨。競于勝人。以眦睚之憾。輒終其身。而不顧以錐刀之競。雖費百金而不悔。不得意則必訴于州。不得意于州。則必訴于帥。又不得意。則必訴于部。甚者必於傷人。或自傷而後止。故士大夫得登萊之邑。於選部者。人皆昂而不贊。福山之興。迄于今二十餘載。凡更六令矣。獨不聞有訟其長者。而詞牒在官者。日益差稀。親師就學者。日益加衆。荐名于春官。錫第于廣庭。亦破荒而作。豈前之為令者。或能儀之以至正。行之以至公。軌之以孝弟忠信。防之以礼義廉耻。使民遷善而不知抑色之域。得山川之秀。將轉而為鄙魯耶。余不足以知之。必有智者。明其故焉。雖然。為守為令者。將榮精神于簿書之間。驅吏民于鞭箠之下乎。固且

以移風易俗為任也苟有志焉而終之以不怠雖九州萬里可同也况一國哉
其或迂濶此道而務以全身為哲者亦無所事於斯語矣古者國必有史
家必有譜夫以萬家之邑而興建之歲月令長之名氏徃無所紀非礼之
缺歟前縣令張君邦彥予友也嘗有意焉而不果其成予之代令於是也
乃拓其大槩以并于前爵里姓名則以歲時先後列于左後或繼此者雖百
世可知也

福山之舊曰兩水鎮東距半平七十里西抵蓬萊則又加半而餘焉南接萊陽五舍
有奇北抵大海而止焉阜昌中山東盜賊起負海數百里恃險擾害往來剽掠民
不得安於是寧海望郡于東樓霞創縣於西而福山之號于是建王笑曰廢齊

今海內稱名郡曰天雄其東明則天雄部下邑考漢志即陽武之戶牖鄉陳平所封地
云土地沃衍尚果敢喜正直有古人風蓋名縣也今萬曆四年余不佞代之於此自非良
吏才而一念虛受之懷無人問之賢不肖竊有能自得師之意顧前此縣令自宮公以
下若干人誰不稱先達獨未勒石以記其姓氏科籍予懼其久而湮豈直久而湮
即觀感懲創將何所鑒語曰君子有三鑒鑒乎鏡鑒乎人鑒乎古予鑒人者
也是以不自量僭勒之石記其姓氏科籍謂曰題名夫君子務實勝何以偽為獨
不曰名者實之賓而前車後車古有明訓乎予不敏於先政母論已第為後之前
車則日惴惴焉懼故勒石於此則某也賢吾觀法之某也不吾懲創之以後視前又
以前重後則凡事有類於賢者知其為後之觀感也而亟欲為之事有類於否者

知其為後之懲創也而無歎已之推是心以往而良吏之道得矣謂之曰題名誰曰不可
雖然此特所云名耳其令之實則在真愛不在虛名今父母之於子豈日日而襁褓
之乃其心何嘗一日不有子之念漢循吏曰龔黃曰卓魯無非善用愛者也東明固
名邑而民疲倦科十室九遷所以用愛以造福此地者亦存乎人爾嗟乎勒石載
名以識不忘石也非人也膏澤寃而民歌樂只深仁洽而世咏甘棠人也非石也石也
非人也跡去而名遂無聞人也非石也愛傳而名重不朽此不徒務名而務實又有
出於鑒人之外者予固非其人也且以俟後之君子

宮公諱顯陝西樂志縣人舉人弘治四年任

渭在畿內最南為大名文邑三省之交而南北之樞也三代建侯為豳叔為康叔之國秦漢為東郡唐為義成軍宋都汴以渭州為畿甸重臣開府屯兵列戍稱為鉅鎮我明洪武七年始改為縣編戶九十二里後以寧山衛軍餘布畝占民田其半由是軍民雜居盜賊時或竄發而俗復健於私聞訟牒囁集自昔稱難治之地也弘治中太保王公憲嗣後祁公鵬賈公世祥劉公維和來攝其官布德行政風教大興至今有遺愛焉自是法或嚴而不平民或緣而為奸遊宦之士頗以為蕩囂琴瑟白不調其更張之術疎乎四支痿痺其某石之理廢乎教起而風可維物備而勢斯勦古不易民而化在昔又何順治耶是故修其教不易其俗齊其政不異其宜夫亦存乎其人焉爾矣明興知是縣者諸公洪道而下八十餘年於斯代者藉藉不可改賢愚漫無所稽嘉靖丁未秋余叨令茲邑乃哀其姓氏受命工次第

列于石遂為之記曰毀譽出于是非何也夫吏之儼然在位也衆言異同治之臧否殆有不可易而辯者故既去之後論定而後可辯也蓋在位則政出焉張弛或有戾於土俗而民情斯形於喜怒哀絀之而過其案毀之而損其直又為惡哉惟夫數十年之久喜怒哀之情與化俱徂而指其名者則曰某為循吏某為酷吏某為廉吏某為貪吏群然稱其治者斯良矣是故節亮者勳光德樹者風遠君子樹德亮節固量之永久而不可磨否則不能宣德達情興利補弊人將恐其去之不速且指其名而尤之矣然則題名之作其規戒之資乎固非徒區區以攷其世已也

又論牌坊

滑縣志

棹楔之設所以表觀或題祠署或旌節孝或揭科第令人一觸目而仰止之思繼勤焉如一任地壞不時加修葺為所稱在公之風夜哲嗣之丕承乎

朔州衛治舊在本城之中而經歷司附焉其規制頗宏敞壯麗尋因改為制府移衛城東北隅而司則僑居民間為司者苦之辛丑年間有經閫諸應元浙之慈谿人履仕四載而遷居三此詎長久計耶因得請于本道李公于本城東南隅覓隙地而建之焉為堂皇為兩廡為額門儀門為內宅中外輪奐體統肅矣為費四百餘金工事雖竣而碑記未立亦一缺典也今經閫龍君觀光者籍自嶺表裔出閩閩慨然為修文慮下車以仕學遍其堂復立題名碑而徵文于不佞夫名以垂不朽記以志不忘也經歷為衛屬官附于衛諸弁俱屬武而司獨為文祖制之設蓋欲此司經歷一衛之事以佐諸弁之不及意甚殷也矧朔州監司府倅上下維當事凡屬衛者強半委之司則是司乃綦要綦冗之地也錢穀移

文責成于己九年例守考成于己具間某也賢某也否某以何途而仕此某以何官而遷彼碑誠為司者之真圖鑑也而安可以或少也衛先年頗稱殷實司用亦足後戎馬蹂躪四郊困乏諸所不繼而近又屢奉文取一切悉蠲之最號清淡先是蒞其仕者往々不勝其牢騷乞憐之態甚而不日其苦乞身而去者匪一人矣龍君不遠萬里而來噬蘄攻苦處之怡然退食自公常手一編與聖賢對不與俗人語真所謂仕而學者也是舉也其若俾人不遺于名之外復若使己不囿于名之中邪雖然古有藏名者有逃名者矣龍君胡區々名之為也蓋吾人身顯則名貴隱顯固名之府也避之而犹然至者也身隱則名欲顯隱乃名之反也招之而未必來者也故古人志若酬則晦名于身不以虛聲掩經濟之能志未酬則委身于名亦不以實學廢國家之用者正此意也龍君

技。拙。雕。龍。未。獲。一。售。年。及。強。仕。止。以。賢。為。郎。然。則。龍。君。有。具。以。仕。隱。而。以。學。顯。
不。名。之。而。以。實。為。名。者。興。其。題。仕。學。堂。之。意。又。于。此。可。互。見。矣。不。佞。桂。牢。落。半。
生。亦。以。仕。為。隱。者。喜。其。志。之。同。故。不。敢。不。以。文。辭。而。為。之。記。

東明尉。舊無題名。而有其題名。自靈壁徐侯始也。石久而泐。肩輿不勝負。且偃卧矣。余至而泐然悲。求貞珉鐫焉。尉葛君諱朝志者。魯國費縣人也。有志服官。將事不懈。於位荏苒。小偷聞風。不入境者一年於茲。尸安枕矣。嗟往蹟之莫考。懸法戒而靡從。後之視今。亦猶今之視昔也。詢之故老。稽諸斷簡。自滕縣王珣而下。得二十有四人。以其數計之。不多。闕佚。以其人考之。多泯沒無聞。嗟乎。是豈盡文獻之不足徵哉。士拜一命。豈布恩澤。愚夫愚婦。式歌且舞。夫民心豈真具資格哉。葛君誠圖所以不朽也。無惕威無疚利。無漏網無濕薪。無倦宦成。無淄素節。故石可泐。而口有碑。實無翼而名四達。詩咏甘棠。永矢勿諼。非其金石之謂也。先是贊政廳亦鈐管鑰。尉失所棲止。余撤而鼎新之。土木役竣。告成事有日矣。為

題歲年并勒名里傳之良久後之尉於斯土者顧瞻庭宇尚無愧於斯文萬

曆丙午三月朔日記

今天下內外公署。率有題名碑。凡筮仕於其地者。姓名貫址宦蹟歲月。備載其中。則題名類故事矣。雖然。題名果類故事也乎哉。前乎我者有人矣。後乎我者有人矣。名肇於前。余不可得知也。名嗣於後。余亦不可得而知也。惟得知久。則失傳。足則可徵。此題名之所以宜記也。觀名思齊終古。難泯朽。不可雕磨。不可磷此。題名之所以宜壽石也。題名之事。果類故事也乎哉。或曰。先名實者為人。也。後名實者自為也。凡官人者。亦盡其所以在我者而已。名胡為哉。抑知執度取諸已往。公論定於將來。不於其名。而是非之。則實亦不出。試即官人者論之。因時度勢而為之。建置其品行才幹。政治訐猷。凡以為民者。未必皆善。未必皆不善也。其在當時。人人知之。既去。人能言之。及其久。人未必知。知未必真。繼之者。觀法懲戒。無所取據矣。故憲前修。以言循往。繼以善後。匪名罔稽焉。迨

顧名思人而人之因厥所思孰勿敬慎而轉思夫在我之所自盡不又於此而以示激勸昭
鑒戒哉然則今日刻石之意非徒尚故事將循名以責實即先以詔後也名者實
之賓先者後之師後之視今亦猶今之視昔以是知人不以是自知非理所近用是嘉
名自好者知名實存後不可誣也則宜敬慎夙夜勵修厥職期永譽以善終求所自
立以副焉否則其實未副於記矣蓋雖曰存之不過具臣而已實聖世之罪人也此又
余於諸君子法亦於諸君子自砥焉噫諸君子何人也予何人也容可安此暴棄而
尚不於斯焉以勗旃

科第題名記

嘉靖己未進士御史清苑孫慎撰

吾郡之學淺陋關畧漸次增飭惟茲科第題名曠焉未舉自慎遊庠序時竊嘗慨焉今教授陳君以道念文敏之久湮於是訪之耆舊詢其姓名甲科自崔昂而下得十一人鄉舉自何定而下得二十二人次其科第具其歷官大概列之貞石空其後方以俟將來乃追張生何生請慎記其後慎聞太上貴德其次乃名題名非太上之所貴也其起於中古之所以勵世乎天子作春秋之法或書其姓而奪其名或書其名而又奪其姓一名姓稱謂之間斟酌鄭重而不肯少易是固立世教之坊也今題名之記其去信史也遠矣然士論鄉評觀省備焉鑒戒昭焉非風教鼓舞之大端乎況司學欽六衛之才而教積百餘年之久其發之於科第又比比如是顧其姓名一無所傳是誠缺典也後之觀今猶今視昔今者人謂昔何後者人謂今何陳君乃設教之首

務即汲汲於科第題名是立將俾從遊是學者指其名考其實而曰某也才是
某科之人某也不才是某科之人賢否之辨犁然在人耳目定從違之趨立淑慝之準
範後世以私淑之教此其為意嚴以遠矣慎亦辱題名是石也不益竊大懼哉

黎陽科甲題名記畧

知縣田秀

濬邑左大伾右源泉黑山峙於南黃河流於北地靈既擅人傑自殊予蒞政垂二載每召諸生立
館下詢茲工後先甲科躋職仕者幾人食草能對間對之而草能悉予益竊兩病焉嘗
搜其姓諱履歷榜於明倫之兩旁尤懼其歲久如前所云也乃協謀諏日創立斯碑遴選
石工磨鐫復起斯樓以併懔之蓋自盧公茂而下登春榜者六人自張公復禮而不得
中秋式者三十二人以時序爵以人存百年陳踪一覽畢照前此而保舉世遠無
數次此而貢余虛碑陰以載焉

上靖節目川先生尊謚說

張問字用中南京戶部尚書贈太子少保

靖節先生姓楊氏諱粹夫別號月川子河間之慶雲人今上能飛以御極元恩魁鄉校越三載謁選授玉田縣學博士甫逾年以疾卒於官玉田士驚悼如摧華嶽峰其子某等成服治裝卜日南歸玉邑士子張夢龍等百八十人思先生德未忘也相率恭上先生尊謚曰靖節以追古人以天道奉君父之義請余說之余曰謚可易言哉夫謚始自周公以尊名也其義至嚴即臣子不能私諸君父惟其稱而已夢龍等咸泣曰無論先生之才之度之學先生以禮禋身即以禮規物士有文尚枝蔓採華忘實者先生教以雅正士有奔逐公署如蠅聚腥者先生教以自重士有好詬訟觸危珥者先生教以忠厚寡慾寅博士見他長吏及佐二稱晚生稱小子先生曰位可去而舌不可柔寅博士見他府判官有興過仍跪送途次先生曰首可斷而膝不可屈却玉三樂許應奎進學之東修賙雷鳴春周

橋之養母孔殿傾欹。每見徘徊而泣下。奸民獻地言之。監司以深懲。其他善言善教。有不可
枚舉者。聞在慶雲甘淡薄。耻弁執。足不履公門。口不譚官事。造就多士。習舉子業者半
于鄉校。里閭薰德而善良者。折髮未易數也。其他藉乃翁^之負券幾五十金。曰此負民也。一
火焚之。應甲子之鄉試。見諸生袒襟裸跣。備極搜索。曰此非待賢之道。毅然去之。其端方
耿介類如此。以此而謚靖節。恐無忝矣。余聞之瞿然曰。噫嘻。先生有是哉。先生恐非世俗
士。當于古人中求之。以此而謚靖節。誠無忝矣。夫克恭厥職曰靖。而先生之教士。却士。黜士。
巨寅僚上監司者。非闕世道。則切民瘼也。以此居位何職。不副其靖何如也。端介不隨曰
節。而先生之教。雅正。教自重。教忠厚。寡欲。舌不可柔。膝不可屈。與其居鄉負介。焚券
罷試者。真澄之不清。挽之不濁也。以此貞。遇何物可移其節何如也。古人以天道奉若
父之義。諸生得之矣。或曰謚惟天子得行之。下此或涉僭也。余曰不然。問官僚之賢否。

杭朝堂都中甲可乙否近無定衡而山林牧豎田畝談當世之達官大吏如別蒼素如辨黑白然則公論果在孰歟惟其是而已矣况鄭僑不毀鄉校以公道灼如而古人之私謚如白雲許先生之謚文懿浦江吳先生之謚淵穎後世未嘗有異議余聞靖節之謚而喜古今之人可以相及也因援筆而大書之

仲兄文甫字說

蘇洵
字老泉

洵讀易至渙之六四曰渙其群元吉曰嗟夫群者聖人之所欲渙以混一天下者也蓋余仲兄名渙而字公群則以是聖人之所欲解散滌蕩者以自命也而可乎他日以告兄曰子可無為我易之洵曰唯既而曰請以文甫易之如何且兄嘗見夫水之與風乎油然而行澌然而流渟回汪洋滿而上浮者是水也而風實起之蓬蓬然而發乎大空不終日而行乎四方蕩乎其無形飄乎其遠來既往而不知其迹之所存者是風也而水實形之今夫風水之相遭乎大澤之陂也紆餘委蛇音宛延音遠移蛇延

淪連安而相推怒而相陵舒而如雲感足而如鱗疾而如馳徐而如緬音免遠也微緣也揖讓旋辟相顧而

不前其繁如縠胡谷切音斛羅縠也紡絲而織之縠紗是也又薄細也其亂如霧紛紜鬱攢擾百里若一汨手順流至手滄浪

之漚漚漚洶漚號怒相軋乙點切音攢勢相傾也交橫綢繆放手空虛掉手無垠橫流逆折瀆旋傾側宛

轉膠戾回者如輪縈者如帶直者如燧奔者如激跳者如鷺躍者如鯉殊狀異態而風水之

極觀備矣故曰風行水上渙此亦天下之至文也然而此二物者豈有求於文哉無意乎相求

不期而相遭而文生焉是其為文也非水之文也非風之文也二物者非能為文而不能不為文也

物之相使而文出於其間也故曰此天下之至文也今天王非不溫然美矣而不得以為文刻鏤組

繡非不文矣而不可以論乎自然故夫天下之無營而文生之者惟水與風而已昔者君子之處

於世不來有功不得已而成功則天下以為賢不來有言不得已而言此則天下以為口實嗚

呼此不可與他人道惟吾兄可也

妙絕古今云。老泉仲兄文甫字說。本論文而以功言並論。兩者相形。詞愈健而意愈明。一篇之旨。收拾只在此數句。其放之也有萬斛之奇。其收之也有萬鈞之重。嗚呼。此亦天下之至文也已。

林次崖曰。風水相連。形態千變。不求文而文生焉。誠天下之至文也。然非老泉之昭襟筆力。孰能形容到此。至以立功立言結果。此尤高世之論。非止文章之工也。

楊升菴曰。毛萇詩傳云。漣風行水成文也。蘇老泉演之為字說一篇。

章伯棠曰。狀物絕妙。死轉極神。結穴最高。主意甚正。通篇將風水二端。分合橫豎。無不暢所欲言。若不得進建。功在言上。豈非竟成一篇風水論乎。老泉開口即以易語立說。便有本領。言行照應。蓋於此內求之。

名二子說

蘇老泉

輪輻蓋軹皆有職乎車而軹獨若無所為者雖然去軹則吾未見其為完車也軹手
吾懼汝之不外飾也天下之事莫不由軹而言車之功軹不與焉雖然車作焉輓而惠不
及軹是軹者禍福之間軹手吾知免矣

楊升菴曰字數不多而婉轉折旋有無限意思此文字之妙觀此老泉之所以逆
料二子之終身不差毫釐可謂深知二子矣與木假山記相出入

章伯棠曰借形抑抑。多少伸縮其論二子優劣處。真所謂知子莫若父信然。

江仲龍字說

謝疊山

陶靖節心與天一神遊天外俯視六合何物茫茫始淵明而終元亮君子憐之菊豈願為隱逸
哉以靖節而隱顯之者亦靖節也建安江君名曰應隆自號菊隱求字於余孔明長嘯隆中

時人皆以伏龍待之。宜以仲龍字。大丈夫生於亂世。消息盈虛。惟天所命。而躬則晉處士。達則漢丞相。俯仰無愧怍矣。孟子曰。易地則皆然。顏子曰。有為者亦若是。或曰。子言善矣。彼豈有此志乎。噫。不志者不必志之。必有志者志之矣。

字朱元晦祝詞

劉屏山

冠而欽名。譽惟古制。朱氏子素幼而騰異。交朋尚焉。請祝以字。字以元晦。表名之義。本晦于根。春容曄敷。人晦于身。神明內腴。昔者曾子稱其友曰。有若無實。若虛不斥。願名而傳于書。雖百世之遠也。揣其氣象。知顏氏如愚。述參並遊。英馳俊驅。豈無他人。未誰敢居。自諸子言志。回欲無伐。一宣於聲。終身勿越。陋巷闔然。其光烈烈。從事於茲。惟參也無慚。貫道雖一省身。則三夾輔孔門。翱翔兩驂。學的欲正。吾知斯之為指南。惟先吏部文儒之粹。彪炳育珍。又華其繼。來茲講磨。融融熹熹。真聰廓開。如原之方駉。

望洋渺瀰老我縮氣古人不云乎純亦不已悵友道之衰變切切而唯唯子德不日新則時予之耻勿謂此耳克之益克借曰含笑宜養于家言而思必動而思躋凜乎惴惴惟曾顏是畏

名二子說

吳遜齋

吾觀人之名其子與其子之自名顏曾僭擬聖賢則克爾淵參不以為懼妄攀高遠則星斗雲月不以為過下此則功名富貴之為慕志愈陋而名亦墮之嗟夫蓋思人之所以為人者其本安在所謂本者天性民彝三綱五常之理士而已捨此不事而競虛逐浮惟美名是冒何異羊質而虎皮鳳鳴而執烏翰也孟子曰孩提之童無不知愛其親者及其長無不知敬其兄者此所謂天性民彝三綱五常之理也昔哉蘇洵氏之言曰兄弟其初一人之身也世之忽爭於利慾之微沉溺於妻子之愛縱肆於血氣之暴薄恩弛愛等之

途人藏怒宿憾視猶仇敵安知所謂人之身其有朝夕相與處而中實創斲言語笑親
若相親而內實冰炭蓋其不知一身之義一而已矣吾家自先世以來實寡兄弟至吾世
而二人至汝兄弟亦如之幼則傳衣長則共食又長則同師而受業兄之年三十有五季亦三十
有一矣昔幼而今也壯固無可指之隙然吾欲其綢繆于手足之情而懷歎于骨肉之誼長而
深篤久而不替故於友愛恭順之道深有望焉今易兄之名曰克友弟之名曰克恭孟子曰
順手親有道又曰悅親有道故字友以伯順恭以仲悅友乎其思吾弟則愛之手恭乎其
思庸敬之在兄手庶幾無愧乎深思大義而不失其所以為人之本者矣今而後有自易斯
名者是為不友不恭不順悅其親之人雖然友恭之名易稱也友恭之實難克也惟能以
愛親為心斯能友乎其弟恭于其兄吾今日望汝兄弟之心則汝兄弟他日望汝子之心
心心相傳友恭順悅萬子孫永保之

賀劉福先加號序

章 蔭代

粵在古昔。因生賜姓。昨土命氏。姓以別婚姻。氏以辨貴賤。姓可為氏。氏不可為姓。大較然矣。乃人復各立名以區別之。而蘇老泉、吳越齋諸賢更作說以垂訓。二子詎好為文飾哉。正子輿氏所謂姓所同名所獨重。顧思之意耳。又有非常之士。應運而興。心胸豁達。志氣崇宏。不屑屑於雍牖之下。於命名之外。或託象清寧。或寄情流峙。或追蹤往哲。或寓意目前。拳篤行藏。包含懷抱。取携自得。趨嚮陶然。已不屑名。人亦不敢以其名辱之而號。於是乎大作焉。如王翺之鬼谷子、韋廉之東園公、賀知章之四明狂客、應子和之三紅秀才、張志和之烟波釣叟、陸龜蒙之江湖散人、陶淵明之義熙皇上、蘇子瞻之東坡居士、以及歐陽修之醉翁、林中之醒先曹植之繡虎、孔明之卧龍。不一而足。豈僅為稱謂地歟。蓋名以著實。字以表名。號以徵志。誠有可父可大之義存乎其間也。深慨世道衰微。人心不古。賢愚莫辨。貴賤靡分。雖賣菜之

儻倡優隸卒之輩亦皆妄加名號謬效稱呼寧不大可笑乎若夫吾兄勵學功專請纓志切
芹香泮色掩映紳裾日與聖賢相晤對行將振紀立綱為寰區之柱石和羹調鼎作殿陛之
梅勲業雲蒸聲名雷震豈在伏龍繡虎諸君子下哉當吾叔遺就外傳時已命名兆祺字瑞
生矣今衆親友嘉其成人有造進德不回復贈以福先之號屬余言以賀之余惟福者修德
之慶階積善之榮境也人而不德德而不善雖有福亦將消歸於無矣故惟德動天繫祉不
加涼薄之躬作善降祥多祜原非倖致之事要福澤之申錫無疆必先德源之充盈有本福
果之何榮切替必先善根之深固夙儲也易云視履考祥其旋元吉詩云俾爾單厚何福
不除明乎人受天之祜而實有所先圖者勅幾達務以集此純嘏之休焉自今以往端知吾兄定
師古之趨立修己之準不以逸欲蒙其眚兢兢所先膺在躬之耀敢瞠乎厥後哉保世克宗
莫非斯號為之發皇也觀德已成流芳有自弟欣仰佩服久矣故愧不迂踈敬綴數言

刺名衆人之末以為之賀

贈禪師慈舟高徒梵祥雅號小叙

中翰孟長安撰 號師宗洛陽進士

號之義何居乎。敬其名也。敬之固諦之也。而釋氏之徒。人尊而禮之者。其名不可以不敬。尤不可以不諦。故五燈會元所載法印相傳。祇云幾世幾祖。某代某師。皆稱號而不稱名。號之義不綦重歟。吾洛龍門之南。蓋古伊闕地。有皇覺寺。慈舟師者。深明禪禮。苦修善行。釋教中之名流也。其徒亦皆卓尔匪凡。將來受居先之記。登不退之位必矣。又何可以不敬不諦而勿贈之以號乎。時有親友元甫林子秀。字郭子等。詢予贈之以號。予謂國家將興。必有禎祥。理固然也。今慈舟之敦善行也如此。其徒之繁盛而卓越也又如此。是亦將興之兆焉。贈之曰梵祥可乎。衆皆欣然而喜曰。其狀。

古今萬姓統譜叙

都察院右副都御史吳郡王世貞撰

先王因生而贈姓。胙土命氏。然則姓也者。其統乎氏也者。貴而始為別乎。乃楊用修之釋書。則引黃東發論。以為五帝之世。民無姓。貴而為官者始有姓。百姓之平章。所以別於黎民之於變也。而說者又謂。姓從生。從女。姓者女之適而別者也。故曰姚。曰姁。曰姁。曰姬。曰嬴。曰嫫。曰姁。其左皆女也。自命氏之說行。而周之王族。與諸侯之公族。卿大夫之別子。往往自為姓。而隋唐以先賢智。亦往往輕用其是。而叛其源。有義而改者。有音而改者。有字而改者。有合音與字而改者。有慕古而改者。有虞難而改者。有因一事而改者。夫其率然而為改也。即再易世。非搢紳先生何知源。其人之相戕賊也。相為禽亂也。亦孰從而遵之。甚矣今之擅於姓也。別姓為嬀。別源為宗。別祖為族。夫劉之望。竄殺為二十五。王次之為二十一。張又次之為二十四。李又

次之為十一。然而不以異望而婚也。其不相婚固也。然而彭城不譜弘農。瑯琊不譜太原。清河不譜南陽。趙郡不譜隴西。各以其望而宗也。宗也而小。遠非譜通。其始不族也。族則近而別。婚則遠而嚴。甚矣今之摯於姓也。雖先王何如焉。蓋自唐宋而來。其譜姓毋慮數十家。而吳興凌大夫始合而為一其源。別郡望。條著臚列。而諸能以姓顯者咸附焉。凌大夫之言曰。我非以眩靡也。將使夫探源者油然而母胥戕賊也。介然而毋至為禽亂也。於世道將小補哉。雖然。孰是以稽古今之能顯者。謂之姓史可也。凌大夫名迪。知壯而解。郡敝歸著書成一家言。茲亦其卓然者。

又叙

工部員外郎吳興凌迪知撰

余讀眉山蘇氏族譜引。感而輯姓譜云。引之言曰。凡人情見乎親。是乎服。至無服而遂途人焉。其初兄弟也。二人分焉者也。又曰。二人分而至途人。勢吾無如之何也。先

其勢而圖之。使無忽忘焉可也。夫即其言而繹之。將以聯蘇氏一家之心已也。然握其機以聯之者。庸他術乎。僅惟族譜之一書。故蘇氏自謂觀吾譜者。油然而生孝弟之心焉。夫天下家積也。譜可聯家矣。則聯天下為一家者。盡以天下之姓譜之。夫自開闢來。遐哉邈乎。生茲蘇^音總^音林^音。受姓而載簡冊者。不啻百焉千焉而殆萬也。夫豈生於空桑乎。又豈各為門戶乎。上古虛靜恬淡。寂寞無為。民熙熙相忘於世。如魚相忘於江湖。豈岐人己而二之。逮德下衰。淳散朴離。日以鴟鵂。蝸角所爭者而奔走焉。至分胡越於一膜之外。溯其所自。豈不以面目本來。判焉若風馬牛不相及乎。而豈知萬幹一本。萬派一源也。考之世譜曰。五帝三王。無非出於黃帝之後。黃帝一十五子。而得姓者十四。德同者姓同。德異者姓異。則凡有生者。皆一人之身所分也。分而以嗣。以續。愈遠愈繁。由一人而百姓而千姓而萬姓。雖莽焉。

襍焉散漫而不可統括。實一本一源之枝流耳。而相傾相軋。胥虐胥戕。施之朝越。且不可矧於一膜之外耶。知此則聯天下為一家。又掌耳。故觀吾之姓譜者。孝弟之心。或亦可以油然而生矣。此余輯譜意也。噫。天地大父母也。凡物皆受於天地而始為相為則。凡物且皆吾與。必咸若之而後。乃得周流貫徹。況同此形性者耶。而又同此受姓者耶。古之君子。有不敢自附於遠祖之顯者。昧也。有必欲自附而涕泣者。隘也。其於大本大源何如。譜成。次一百五十卷。條列載之。凡例。茲不復贅。識者慎毋曰。有是哉。子之迂而哂也。

歷代帝王姓系統譜叙

工部營繕清吏司員外郎吳興凌迪知撰

易曰。列貴賤者存乎位。夫位以辨上下。定民志。匪是則莫之區別。貴者易能巍然高拱。使賤者俛首屈膝哉。然豈待位而後列耶。易又云。高卑陳而貴

賤位。非特指人類言也。盈天地間萬物孰無是高卑。有是高卑。即有是貴賤。而以卑承高。以賤事貴之義。其本來實性。諸天者。常人貿焉莫之警。而聖人惺此心。天類咫尺之意。舉足不敢忘焉。故曰畏大人。噫。蜂蟻之出穴。後先倫次。若或戒令而井井不踰。微物且然。況於人乎。余慨性學不明。輯姓譜卷一百有五。十。而於古今帝王不敢櫟於此。民別為六卷。題曰帝王姓譜示尊也。或者迺曰。天下真是真非。聚若黑白。然子以僭竊之徒。廁於正統間。得毋混狂狷于神龍乎。是不然。天下有陽有陰。有正有邪。有君子有小人。有中國有外夷。其消息盈虛。相為循環。此天運也。使僅以正統表章之。而湮滅夫僭竊輩。則非惟古昔之雄材大畧。戡亂定難之偉績不彰。而於天運之盈虛消息。亦懵懵焉而已。且自古致治之日。豈如此日之多哉。僭竊者不載。則沒其事。沒其事。則沒其年。鄉黨之士。苟知自好。而其

子孫欲傳之以識不忘。尚為編年以譜之。矧於帝王之姓譜乎。故載僭竊者。蓋所以尊帝王也。非混也。噫。有天下者。孰不欲為子孫立萬世之業乎。而其傳每至再至三。輒易姓者何也。蓋虐仇撫后。其幾甚微。惟知其幾而惕若焉者。為能永耳。右之興亡。未有不繇于此。若較論其概。豈若我明聖相承。德澤之漸涵磅礴。足以衍億萬年無疆之祚哉。或者唯々而退。敬次茅書之以弁諸首。

氏族博攷叙

烏程吳京朝卿父撰

莊周曰。六合之外。聖人存而不論。夫聖人固不欲曉々於天下。或有不得已者焉。豈啖訾咕囁。終無事於輔頰舌也哉。顧於六合之外。不論何也。天下未有無因而強說者。聖如尼父。預難於開創哉。使當是時。六經之梗概。不遺於堯王。則安所賴藉以立刪定修贊之功也。故尼父僅以述自居。雖若搗譏。夫亦道其實而已。至於六

合之外。奚憑奚據。聖人縱有懸河之雄辨。而可強以覆載所不及之處。而容其喙乎。噫。古今氏族。豈易言哉。炎黃以前。黜哉邈乎。即六合外也。自炎以姜。黃以姬。而子姓始分。降及三代。則以謚以官以邑。國以王父字。斯謂之氏。謂之族。嗣是而秦漢魏晉下。齒日庶。姓日繁。而載之方冊者。更僕未易數也。余未暇以秉筆者而枚舉之。思秦火未盡燔。孔壁無禁而出之。則方冊所載。槩皆有因。而非不根之論也。凌大夫釋答甫。早年解組。沉酣典籍。自六經諸子。天文地志。稗官小說。靡不咀嚙而鉤致之。已輯姓譜卷一百有五十。而梓行矣。復考方冊所載之說。彙為一編。而析衷之。題曰氏族博攷。授余。讀之作而嘆曰。博哉良工苦心乎。讀是書而知其益無方矣。如吳魯之姓同姬。徐秦之姓同嬴。顧室家者不得偕伉儷。則由是以明婚姻之禮矣。如始以一姓為三派。終以三派各一姓。篤親之之誼者。循等殺。則由是以昭疎戚之分矣。如唐虞夏商之姓。由帝王巫。

卜陶丘之姓由術業論高卑者溯源流而軒輊之則由是以彰貴賤之勢矣他如四聲之韻五音之屬萃夷之別支庶之分公私之義一開卷而靡不昭揭焉紛然雜出於方冊者固各有因大夫博攷而彙之又因乎其因也非強論夫六合之外也讀是書而知其益無方矣奚媿於尼父之術哉大夫居家好閑有羔羊素綵之風讀書也專述古也多此其述之大者云

禮書曰姓非天子不可以賜而氏非諸侯不可以命姓所以繫百世之正統氏所以別子孫之旁出族則以氏之所聚而已

三代之時曰姓者統其祖考之所自出者也百世而不變者也曰氏者別其子孫之所自分者也數世而一變者也天子建德因生以賜姓其得姓雖一而子孫別為氏者不勝其多焉有以王父之字為氏者矣有以始封之邑為氏者矣校分派別千塗萬轍初

若參錯紛亂而難考及徐而視之有綱有條猶指諸掌焉

問姓氏如何分別曰姓是大總腦處氏是後來次第分別處如魯本姬姓其後有孟氏季氏同為姬姓而氏有不同某嘗言天子因生以賜姓諸侯以字為諡因以為族竊恐謚本氏字先儒隨他錯處解將去義理不通且如舜生於鵠汭武王遂賜胡公滿為鵠姓此即因生以賜姓如鄭之國氏本子國之後駟氏本子駟之後如此之類所謂以字為氏因為族

事文類聚

前漢去古未遠風俗質略故太上皇無名母媼無姓然唐宰相世繫表叙劉氏所出云晉士會適秦歸晉有子罾於秦自為劉氏秦滅魏從大梁生清從沛生仁號豐公生端字執嘉生四子伯仲邦交邦漢高祖也高祖之父漢史不載而其名唐史乃

載之亦可一笑

白孔六帖

禮經表記篇云子曰先王諡以尊名節以壹惠耻名之浮於行也是故君子不自大其
事不自尚其功以求處情過行弗率以求厚彰人之善而美人之功以求下賢是故
君子雖自卑而民敬尊之子曰后稷天下之為烈也豈一手一足哉唯歆行之浮於名
也故自謂便人

諡音示 註疏曰諡之言烈也行之跡也誅行立號以易名也自周公始名自命也
又聲稱也壹一同專也惠善也浮汎也溢也此言君子務實而不務名勝也夫子
謂先王為美諡以尊顯其聲名但節取其大者以一其惠君子所以不自大尚其
事功者以求取情實不肯虛為矯飾也所以過高之行不敢率循者以求處乎篤
厚之道也人有善彰而不掩人有功美而不毀盡其謙恭遜下之心以尊慕才能
之賢也君子雖自卑句亦自卑之獲益處非效也尊敬亦本上文講言民之高大其

事行彰美其善功者亦是敬之而不慢尊之而不虛也縱是務實如此安有名勝之耻乎烈以稼穡之功言后稷教民稼穡為周之始祖其功烈在天下豈一人之手足遵而用之哉固當以仁聖自居矣惟欲行之浮於名也故自謂便習民事之人而已功大居卑古人之耻名之浮於行也益可見焉

嗟乎士君子瓌奇浚禾赫有聲施雖貞砥幾泐矣而輝且彌溢名之勤不勤奚論也如蒞茲任者在近年諸公風猷誕需令望未艾公論當以徐定餘未敢權品焉切覩吳公道南而上類多游陟顯融勲伐焯赫人固後頌之乃其當於心不謀而合者僉曰夏公寅哉夫夏公位不滿德名茲以昌何繫於石而石以公重故知吾人光建大業芬揚永模列于不朽之塗當自有在即功名未足概之矧曰富貴云乎

堯封禹于夏賜姓姁氏封契于商賜姓子氏封棄于邰號曰后稷賜姓姬氏封四

岳于呂共工從孫命為侯伯總四方諸侯之事賜姓曰姜別氏曰呂舜父瞽瞍以其有目不能分別好惡故人謂之瞽配字曰瞍非謂其瞽無目也

